

四庫全書

史部

欽定四庫全書

硃批諭旨
史部
卷五
六

臣永瑤恭校

編修臣裴謙覆勘

總校官中書臣朱鈐

校對官庶吉士臣張九鐔

謄錄監生臣龍翔

欽定四庫全書

硃批諭旨卷五

硃批伊都立奏摺

雍正三年二月十五日署理山西巡撫印務刑部

左侍郎

臣

伊都立謹

奏為奏

聞事竊

臣

查得陽曲縣地方糧價小米每石價銀八錢

六分九釐小麥每石價銀一兩二錢六分五釐黑

豆每石價銀五錢七分七釐秣米每石價銀四錢
九分五釐為此謹

奏

覽奏殊為可喜別府州縣價值低昂約畧相同否其更
查奏以聞

雍正三年三月初八日署理山西巡撫印務刑部

左侍郎

臣

伊都立謹

奏為奏

聞事近經

臣

摺奏陽曲縣米糧價值奉有

硃批諭旨

臣

欽遵查得各屬報到糧價俱約畧相同其

太原府以北之忻代等州至大同府一帶米價尤
賤現今各屬米糧俱甚充足自正月二十三日通
省得大雪以後二麥長發二三月間正需雨澤今
於三月初五日戌時起細雨至初六日巳時止經
陽曲等附近州縣已報到者俱云入土一二寸不
等於麥苗大為有益

臣

到任時聞平陽府一帶地

方頗覺少雨即行令該地方官虔誠祈禱近臣差人自陝西回來初五日住宿汾州府之介休縣地方彼處得雨較大看來雨勢自南而北平陽府屬是日諒應得雨俟報到另摺奏

聞外為此謹

奏

大慰朕懷若果敬信一誠上格更能黽勉吏治

天居高而聽卑斷無不響應之理爾試行看

雍正三年三月十五日署理山西巡撫印務刑部

左侍郎

臣

伊都立謹

奏為奏明事竊惟知府一官職司一郡凡地方巨細
事務均宜刻刻留心方可無誤今值二麥長發之
候雨澤最關緊要臣到任後聞平陽府地方和煖
種麥獨早此時正需雨澤該知府董紳理宜虔誠
祈禱而該府並無隻字申報及至所屬州縣已報
得雨而該府尚未將有無得雨之處報聞經臣嚴

行飭諭置若罔聞今忽具詳以患病告休

臣詢之

高成齡等俱稱該府於地方事務甚屬玩忽

臣思

似此闕茸之員必致貽悞地方隨批令布政司委

員驗看俟詳到

臣即具

題抑

臣

更有請者平陽府為晉南第一要缺亟需賢

員料理伏乞

皇上揀選才守兼優之員補授此缺方有裨益

臣謹具

摺奏

聞謹

奏

知道了具題到日朕自有旨

同日又

奏為恭請

聖裁事

臣

自抵任後檢閱案卷見有前任撫

臣

諾岷條

奏衛所改設郡縣一疏

臣

因事關經制隨與布政

使高成齡詢問地方形勢人民衆寡果否妥確之

處據高成齡云所議大同府改設各處均為妥協
惟寧武偏關二處係邊陲要地資員彈壓前撫臣
諾岷止議改為二縣恐地廣人多兵民雜處縣令
不能控制且以寧武隸於代州偏關隸於保德州
相距各二百餘里又有鞭長莫及之虞似應將寧
武所改為寧武府并建寧武縣為附郭其寧化一
所隔寧武九十里地實褊小應設巡檢司隸於寧
武縣神池堡改為神池縣將利民八角二堡隸焉

偏關所改為偏關縣將老營所隸馬五寨堡改為
五寨縣將三岔堡隸馬其餘附近營堡各就便分
隸縣治總歸寧武府管轄亦儼然一雄郡矣再寧
武偏關二同知只留其一改為寧武府同知駐劄
偏關以彈壓邊界又查寧武偏關各營堡今既酌
改郡邑則鎮西衛亦應裁併以上郡縣均有城署
學宮即間有未備應俟新選各官抵任後陸續酌
議修補等語

臣

披閱輿圖復諮詢該管各官均相

符合高成齡所議似屬布置得宜可補前議之未
周理合具摺

奏

聞伏乞

皇上將此議歸入前撫臣諾岷條奏飭部妥議施行謹
奏

該部議奏

雍正三年三月二十四日署理山西巡撫印務刑

部左侍郎臣伊都立謹

奏為奏

聞事蒙

皇上念切民生

勅下督撫勸諭民間建設社倉以備積貯臣到任以來
即留心查問各屬皆仰體

皇仁於各鄉各里勸設社倉現今大州縣有捐至三五
千石者其餘州縣亦皆有數百石至百十餘石不

等惟最小州縣并大同一府地畝磽薄尚未設立

臣已諭州縣令其從容勸諭務有成效至省城地

方前撫臣諾岷動公費銀五千一百二十四兩零

買穀一萬石臣赴倉查省俱已買足嚴飭加謹收

貯訖目今糧價甚平倘值價值騰長之候臣即減

價平糶於地方殊有裨益謹

奏

甚好但社倉之舉不可涉於勉強惟宜勸導鼓舞聽民

自便毋稍抑勒若以督撫威勢嚴諭州縣州縣因之逢迎取媚則百弊叢生矣故云斷不可強

同日又

奏為凜遵

聖訓事

臣

前次奏摺內鎮慎字樣俱少一點蒙

硃批訓誨奉

命之下不勝惶悚伏念

臣

愚昧無知蒙

聖恩寬恕復

賜指示

臣

自此知所遵循又蒙

皇上將奏匣封固發回

臣

始知奏匣封口式樣

臣初任

外吏未諳陳奏體式幸逢

聖主提撕訓誨

臣

惟有時深檢點冀免隕越

臣

無任感

激悚惕之至謹

奏

諸如此等慎而無禮可笑之舉皆由於敬君之心不誠也凡事務求其本能以真實自矢則鬼神亦當默助矣

同日又

奏為遵

旨具奏事竊

臣

接准部咨內開欽奉

上諭各省道員內有兼科道職銜者行文該督撫問明
本人有情願不兼科道銜在道員任內効力者該督
撫據實具奏留任其有不願在道員任內効力者亦
令據實奏明欽此欽遵行文到臣
臣查山西省惟糧
驛道胡瀛一員兼監察御史職銜臣
欽遵詢問該

道據稱胡瀛蒙

皇上弘恩特放山西道員惟有恪慎供職循分効力斷不敢稍有倚恃今蒙

聖諭自當益加勉勵以圖報稱懇請代題免兼御史職

銜留任効力等語臣查胡瀛為人誠實官聲亦好

其辦理驛道任內事務甚屬盡心現今署理按察

司印一切審案亦皆明敏伏乞

聖恩准其不兼御史職銜仍留道員任內効力臣亦得

收臂指之益矣除據詳具

題外

臣

謹據實具

奏伏乞

皇上睿鑒謹

奏

已有旨之事自然留伊在任此人原係朕所甚賞鑒者
但不知將來如何果能始終如一否也

同日又

奏為奏

聞事臣查平陽一帶俱種秋麥此時正需雨澤今據平陽各屬報稱自三月初五日至六七等日陸續得雨土皆滋潤麥苗及時長發其潞安澤州蒲州等近南之處與平陽相仿至太原汾州大同三府平忻代保等州所屬地方二十日以前接連得雨俱入土三四寸不等二麥甚為得濟今歲麥秋又可大獲現今米價甚平與半月以前相同謹

奏

近日聞河南山東缺雨爾前番亦奏稱平陽一帶望雨朕因此頗為厯念今覽爾奏憂懷減却一半矣

雍正三年四月十七日署理山西巡撫印務刑部

左侍郎

臣

伊都立謹

奏為奏

聞事晉省三月二十日以前得雨日期俱經繕摺奏聞自三月二十日以後十數日之內省南各屬竟無雨

澤至四月初三初六初八初九十一等日據平陽
蒲州澤州一帶雖節次俱報得雨然終未霑足今
二麥尚未結穗米價亦較前稍長臣查潞安澤州
及平陽府以南州縣山地居多雨水少遲即有旱
意誠恐市價日增民食維艱查各州縣俱有存倉
米石經前撫臣諾岷以貯米不能經久題准易穀
臣思此青黃不接之際即將此項米石減價平糶
俟秋收買穀還倉誠為兩便臣已行各屬令其將

米石照時估減價一錢陸續糶賣又將積年民借
倉糧停其徵收則市價自不致騰貴民食亦不致
艱窘矣再查太原以北大同代保等府州所屬雨
已霑足糧價亦平其省南各屬俟得有透雨星馳
奏報外所有平糶倉糧緣由合先奏

聞謹

奏

減價平糶允為濟時善政但須慎防屬員吏役借此網

利其中倘有羨餘亦應存留備用於秋收買補還倉更為從容也

雍正三年四月二十日署理山西巡撫印務刑部

左侍郎

臣

伊都立謹

奏為奏明事

臣

到任之初有絳州知州萬國宣呈報

署襄陵縣知縣吳世雍勒指前任交代加收錢糧

耗羨等情到

臣

隨傳問布政司高成齡據稱吳

世雍因虧空全完開復經前撫

臣

諾岷一面將世

雍題補襄陵縣一面委令前往署理該員署任方
及一月且聞萬國宣與前任病故知縣俞之琰誼
屬鄉里恐難憑信隨即檄調世雍到省面詢并密
委洪洞縣知縣孔傳忠確查去後嗣據孔傳忠回
稱襄邑百姓素稱刁健前任俞令衰老昏慵一切
錢糧事務俱聽戶頭現年經營自吳令署任即設
錢糧紅簿稽查甚嚴戶甲不能自便隨有加耗名
色拆驗並無實據至前任交代因吳令盤查存倉

穀石扇颺過重折耗太多之故並非捐勒等語

臣

復差人密訪與孔傳忠所稟無異嗣有部選襄陵

縣知縣葉心朝持憑到任

臣

以部選有人吳世雍

原係署事之員因令其在省候部文定奪後又於

四月初一日接准部咨吳世雍已實授襄陵縣知

縣其部選之葉心朝留在山西令

臣

遇缺題補

臣

隨給文令吳世雍赴任茲本月二十日據吳世雍

稟稱於十四日抵任十五日忽有縣民號召多人

聲言不要世雍任事在縣喧鬧已將為首之張功等四人拿獲等語臣隨委平陽府同知劉登庸等給發告示前往曉諭并確查起釁緣由到日酌量情罪定奪另

奏外合先奏

聞謹

奏

此事自應先將刁民懲創即一面確查吳世雍果係賢

員宜加意保全毋令長此刁風倘吳世雍原有不協自侮而後人侮則予以兩敗俱傷可耳總在爾秉公斟酌為之也

雍正三年四月二十五日署理山西巡撫印務刑

部左侍郎

臣

伊都立謹

奏為再行奏

聞事

臣

查襄陵縣百姓號召多人在縣喧鬧經

臣

據報

委員確查并發示曉諭緣由當即繕摺奏

聞茲據該管絳州知州萬國宣并該縣吳世雍等稟稱
襄邑百姓於十五日聚集十六日該州即赴縣飭
諭并鎮臣袁立相差遊擊李順於就近帶兵彈壓
即行解散等語臣查山右民俗素稱强悍動輒聚
衆若不嚴究恐長刁風臣已諭令該州并同知劉
登庸等查拏首謀之犯同先經該知縣吳世雍拏
獲之張功等四人確審起釁情由定擬治罪其餘
附和愚民概行免究以省拖累合再奏

聞謹

奏

此事前已有諭原不應連累多人

同日又

奏為奏

聞事先因省南一帶地方得雨尚未霑足糧價稍長經

臣飭行各屬將存倉米石減價平糶緣由繕摺奏

聞今於十七八九及二十三等日仰賴

聖主至誠感格甘霖普降所有省南之潞安府澤遼沁
三州并平陽府以南浮山翼城蒲解等州縣及汾
州府所屬地方俱報得雨露足其各屬米糧因開
倉平糶又時雨遍霑市價日減省城亦連日得雨
省北代保等州大同府屬原未缺雨糧價同前
謹具摺奏

聞以慰

聖懷謹

奏

朕正為爾晉省憂慮今閱此奏大慰朕懷觀爾自署事以來其他尚未見所長頗覺實心任事朕甚嘉悅如果能一秉真誠為國為民則

上天之感格垂佑朕可為爾操左券也

雍正三年五月初九日署理山西巡撫印務刑部

左侍郎

臣

伊都立謹

奏為恭謝

天恩事雍正三年五月初七日臣齋摺把總捧回臣報

雨一摺奉到

硃批諭旨臣跪讀之下感愧無地隨恭設香案望

闕叩頭謝

恩伏念臣身受

殊恩有加無已署理巡撫到任三月寸長未効方深惶

悚乃蒙

恩旨逾分褒嘉并勉臣一秉真誠臣自問何人遭此

隆遇惟有恪遵

聖訓愈加黽勉益竭駑駘以期無負我

皇上造就之

洪恩耳

臣謹繕摺奏

謝謹

奏

雖云報効心切諸凡宜以持重妥協為要不得孟浪從事一切作為必慎終惟始籌畫萬全而後舉行方不致

舛謬也

雍正三年六月十一日署理山西巡撫印務刑部

左侍郎

臣

伊都立謹

奏為奏

聞事

臣

看得山西省城於六月初五日大雨如注四野

十分霑足且喜陰雲密布得雨甚寬

臣

隨飛查各

屬去後茲據太平潞汾大五府澤遼沁等十二州

俱報初二至初五六等日得有透雨此皆我

皇上念切民依至誠格

天所致農民歡慶感頌

皇恩

臣

無任歡忭之至謹具摺奏

聞再查晉省以南平陽蒲解等處天氣稍暖自太原府
以北州縣地氣寒冷所有二麥收穫較他處獨遲
今現在已報收穫者平陽蒲州絳州絳州各屬收
成自四五分起至八九分止不等其餘尚未收割
俟通省報齊

臣

即分別各府州細數彙摺具

奏恐上厪

聖懷合先

奏明謹

奏

深慰朕懷頃聞邇外一帶竟至熟荒去年朕曾有諭內地百姓如有情愿用船載糧從黃河販運者任其販賣毋禁如此似內外均獲利濟今歲不聞有照此行者爾其確查情形果若有益無損何不諭地方官勸導百姓

行之但不可彊之使為也假若照此行後邊內糧價豈不更下乎總須爾酌量行之

雍正三年六月二十九日署理山西巡撫印務刑

部左侍郎

臣伊都立謹

奏為奏明事

臣齎摺家人回署恭捧

臣前奏為奏

聞事一摺奉到

硃批諭旨

臣欽遵查得今年五月間准歸化城都統丹

津來文令商人前赴歸化城糴買存倉蘆子

臣即

徧行出示曉諭嗣據各屬回稱因米糧充足價值甚平糜子非民間常食之物並無願赴採買之人

臣復咨覆都統丹津在案今蒙

聖恩軫念口外熟荒令

臣

酌量而行

臣

思山西地方各

處米糧市價亦賤雖現在諭地方官加意勸諭但

恐願往採買商人終屬稀少現今口外米糧壅積

不能流通以致熟荒不可不急為圖維

臣

已給發

銀兩差右衛理事同知前往歸化城土默特一帶

地方採買米穀糜子等項一萬石如尚不濟事再行領銀採買務使口外米糧疏通於蒙古邊民有益所買米穀近黃河者由黃河運至其近陸者即行陸運至口內地方如有糴買之人令其糴賣俾商販知有利息或有願赴採買之人則內地糧價自必愈賤於百姓亦有裨益如無糴買之人酌量分撥大同汾州二府屬貯倉俟來春青黃不接之時減價平糴於地方積貯亦屬有益統俟買齊運

貯後另行備細奏

聞謹

奏

料理甚屬妥協但不可稍涉勉強若百姓不願糴買即中止可也陸運之說當再加斟酌

同日又

奏為奏

聞事山西通省於六月初二初五初六等日得有透雨

業經臣繕摺

奏明嗣於初十日以後二十二十一日又連得雨
澤秋禾甚為得濟惟平陽府屬之聞喜縣絳州屬
之稷山縣太原府屬之太原縣傍山四五村莊因
山水陡發間有衝倒房屋及損傷秋田者臣已給
發銀兩委員分頭前往各該地方將衝倒房屋給
銀修整損傷田禾給與籽種令其及時補種蕎麥
晚豆內有乏食窮民散給米糧併借給倉糧被水

村莊錢糧且暫停其催徵茲據各委員回稱居民俱各安業地畝俱已補種仍可有秋等語理合具

摺奏

聞仰慰

聖懷謹

奏

知道了山西地方窪下處少遇茲多雨之年為害小而獲益大今歲直隸山東兩省雨水過多猶幸堤岸皆保

無虞也

雍正三年七月十二日署理山西巡撫印務刑部

左侍郎

臣伊都立謹

奏為轉

奏事七月十一日

欽差吏部左侍郎

臣

史貽直刑部右侍郎

臣

高其佩將

奏摺一封差人齎送到

臣

交

臣

差員馳

奏理合代為轉

奏再史貽直等審理鹽茶二案事竣已經於七月初六日起身今臣於初四日接准部咨陝西郃陽縣秋審人犯楊鵬九等一案因原擬罪名不符奉

旨并交待郎史貽直高其佩確審等因臣即日移知今史貽直等於初六日行至二十里鋪接到臣咨仍回平陽相應一併奏

聞謹

奏

知道了伊等將事審畢令仍在平陽等候朕差員前來
有另交伊等辦理事件

雍正三年八月初十日署理山西巡撫印務刑部

左侍郎

臣

伊都立謹

奏為奏明事

臣

准戶部咨開奉

上諭歸化城土默特地方連歲豐收有穀賤傷農之虞
查黃河由黃甫川邊口流入係山西陝西二省交界
之處著將歸化城米糧照時價糴買由黃甫川邊口

運至內地圖拉湖地方建倉存貯歸化城大青山黃
河岸上亦建倉買米收貯其由黃甫川運米船隻應
在大青山木植盛產之地打造再於圖拉湖打造船
隻將米石運至陝西潼關地方此立倉造船往返輓
運使不至糜費錢糧及派撥看守倉廩監工督運一
切經理事宜應差員前往會議刑部員外郎覺羅明
壽係朕深知之人著理藩院再派謹慎誠實章京一
員與明壽一同馳驛速往會同山西巡撫伊都立歸

化城都統丹津等詳細確議具奏如此事辦理得宜
使食貨流通則外地蒙古內地百姓均獲裨益欽此

欽遵行文到

臣仰見

睿慮周詳內豐積貯外益邊民之至意

臣

一面委太原

中路同知張淮右衛守備王松齡分頭確查大青

山以及晉省陝省等處河路情形并令沿河州縣

詳細查明報

臣臣

於八月十二日自省起程前赴

歸化城會同

欽差員外郎覺羅明壽都統丹津等將立倉造船運送

人夫等項確議

臣

即從大青山由沿河一帶到潼

關親往確查視其有船隻不能經行之處應添造船隻接運及倉廩作何建蓋看守船隻如何修造務期酌議明確使錢糧不致多費運送亦得便捷詳悉具

奏并可熟悉黃河一帶情形再此沿河有與陝省地界相連之處并潼關蒲州一帶州縣又與秦豫兩

省接壤前蒙

上諭令查明疆界轉瞬已屆秋收臣亦可乘便將緊要

處所查明經理除將起程日期另行具疏

題報外理合繕摺

奏明謹

奏

朕原命伊等就爾會商恐悞爾地方諸務今爾既起程
往會伊等更好但地方要緊慎毋貽悞政事久稽延於

境外也爾其酌量輕重而行之

同日又

奏為奏明雍正二年耗羨銀兩事竊臣據布政使高

成齡將雍正二年分耗羨銀兩收除實在并已未

完數目開報前來臣查雍正二年分共應收耗羨

銀四十九萬五千三百八十九兩已徵完銀四十

五萬九千二百二十六兩零共開除各官養廉公

費等項銀二十九萬三千八百五十一兩零共存

庫留補無著虧空銀一十六萬五千三百七十五兩零未徵完銀三萬六千一百六十二兩零俟徵完之日內應撥留補無著虧空銀三萬四千六百二十四兩零以足二十萬兩之數餘剩銀一十五百三十八兩零臣親赴司庫逐一盤查無異謹繕黃冊恭呈

御覽再臣提解耗羨先經臣摺奏諾岷高成齡回覆有益之處奉

硃批諭旨知道了爾試行着欽此欽遵臣到任至今五

月以來留心試行細加體訪此事實與地方有益
上不累官下不累民誠為兩便况奉行兩年並無
弊端亦無他議似應照舊毋庸請停惟是原議將
耗羨留二十萬兩彌補無著虧空查晉省無著虧
空據布政使高成齡稱有九十餘萬兩除元年至
三年共有耗羨銀六十萬兩彌補外再得兩年耗
羨扣抵臣細查九十餘萬兩內有樂廷芳贓銀三

十萬兩查贓銀非正項可比自應向伊嚴行究追
豈可代為彌補除此三十萬餘兩外無著虧空實
止六十餘萬兩俟雍正三年耗羨收完已有六十
萬兩所缺無幾再將虧空各員家產搜變即可與
原估之數相去無幾臣仰體

皇恩意自明年開徵為始將耗羨再行酌減以廣
皇仁務期有益民生有裨

國計并使現在虧空不致倖免而將來州縣各知儉

畏酌量妥確另行請

旨謹

奏

何煩朕再諭是極好極總在爾相機合宜而為之耳

雍正三年九月初十日署理山西巡撫印務刑部

左侍郎

臣

伊都立謹

奏為奏

聞事竊查太原省城自迤西以至迤南逼近汾河北城

以外又有澗河一道向有水患前撫臣蘇克濟在城西修築土堤一帶北門以外另有護堤以防澗水使歸入汾河因歷年久遠土堤侵損今歲六月間澗水漲湧衝開北門護堤水不能歸汾而西門以外地勢又極低窪河水幾入城內臣即親督地方官將北門護堤剋期幫補澗水仍歸舊槽但臣細看舊築堤岸堤身甚是單薄堤根亦不堅牢其南城一帶又向無堤岸且北門護堤亦祇可少抑

一時水勢終非久長之計必須亟為修築居民田
舍方保無虞臣已逐一查勘將城西舊有土堤先
用木檣柳埽打定根基再用土幫築堤身城之東
南添築新壩北門以外另為培填庶一勞永逸現
在估計預備木料因目下天氣漸寒容俟來春興
工其所需工料約計銀一萬餘兩查有雍正元年
餘剩耗羨銀兩可動事關地方公務理合恭摺奏

聞謹

奏

所奏是事關防護城池保衛民生理應及時修理者也

雍正三年十一月二十四日總督管理山西巡撫

事務

臣

伊都立謹

奏為奏

聞事竊

臣

自京起程一路留心體訪直隸地方收成雖

覺歉薄在集糶賣米糧猶不至缺之自正定府以

西由山西省販去米糧驛馱車載接踵而行民食

自可無虞且固關以東於初十日又得雪三寸明年春成有望至於山西地方仰賴

皇上福庇今年米糧原甚充足近來平定一帶米糧販

往直隸者多價值較前少長小米每石九錢九分

然亦不為昂貴臣恐省城東北州縣官因糧價少

長禁止外販致直隸米價過昂已諭令不得禁止

販運臣思晉省現在米糧外販者多倘明春糧價

騰貴即將各屬倉貯之米平糶斷可不致缺乏况

麥苗現在滋發一至春熟卽有接濟至太原以北
大同府屬并潞澤一帶其糧價俱與一月以前相
同並未增長所有臣經過地方情形并山西糧價
緣由理合繕摺奏

聞謹

奏

爾此見甚好詩云普天之下莫非王土雖係隔省理應
一例視之

雍正四年正月初二日總督管理山西巡撫事務

臣伊都立謹

奏為恭報瑞雪事欽惟我

皇上聖澤同天恩膏匝地屢年以來上瑞頻徵嘉祥疊
見山西各屬於去年十一月二十八日十二月十
三日連得冬雪業已普徧今於正月初一日太原
府地方雨雪三寸連日彤雲密布得雪之處必寬
新正元旦旦觀茲嘉兆仰見

聖敬之感孚預慶豐年之有象

臣

無任歡忭之至理合

繕摺奏

聞謹

奏

新正雨雪朕懷深慰冬雪但稱普徧何未將情形詳析
奏聞耶

雍正四年二月二十四日總督管理山西巡撫事

務

臣

伊都立謹

奏為恭報得雪十分霑足事竊查山西地方去冬雨

雪并今年正月初一日得有瑞雪業經臣繕摺奏

聞今時值仲春二麥出土農民正在望雨之際適於二

十二十一日省城連得大雪臣即飛查各屬曾否

霑足去後據報太原府以北并汾州平陽府以南

俱於此兩日內得雪入土一尺有餘十分霑足平

陽府南州縣地氣較別府溫和故農民一年所望

惟在麥收而秋成次之今聞府南各屬俱得透雪

豐稔可期萬民歡躍感頌

皇仁

臣

職任地方覩此康阜氣象上藉以仰慰

聖懷下得以俯安民望歡忭非常理合繕摺奏

聞謹

奏

天人交感之際實屬呼吸相通但敬慎人事於下自能召
致休徵於

上此乃理之必然者切勿高興肆志實力勉之敬之朕躬

無日不如是也

雍正四年六月二十二日總督管理山西巡撫事

務臣伊都立謹

奏為奏

聞事竊臣於六月初十日起程於二十一日回署已經

另疏

題報外臣自京北至宣化及大同等府一路經由留

心查看地方甚是安靜糧價亦甚平減一帶居民

俱熙熙皞皞有含哺鼓腹之樂且見秋苗茂發萬
寶咸亨此皆我

皇上惠愛黎民培養元氣之所致臣覩此太和景象無
任欣躍理合繕摺奏

聞至臣面奉

上諭事宜并所交事件容臣次第實力奉行陸續具
奏謹

奏

觀民歲之豐嗇驗政治之純疵理固不爽然朕總不計
及於此也惟辦一誠以對越

天地神明仰慰

皇考在天之靈而已功效皆所不問

同日又

奏為奏報二麥收成分數事竊照晉省二麥收成分

數

臣

先在京時當即發諭令各州縣據實查報今

臣

回署檢查各屬報到分數太原汾州二府并忻

州代州各屬俱係十分潞安府澤州遼州平定州
保德州各屬俱有八分惟平陽府蒲州絳州
隰州其二麥有五六分收成者居多亦間有八九
分者詢問地方官據云平陽東南府州廣種麥田
向來統計有七分收成即為豐稔再大同朔平寧
武三府尚未報到臣路由大同所屬州縣見尚未
刈割而種麥者亦甚少問之土人皆云彼處地氣
寒冷每年俱藉秋禾二麥不過稍為接濟故所種

不多今歲約有八九分收成等語其朔寧二府地方相近大畧相同臣統計闔省二麥共有八分收成民食大為充足兼之各屬報到各色雜糧價值甚平理合繕摺奏

聞恭慰

聖懷謹

奏

統計闔省果有八分亦可為豐收矣朕懷曷勝慰悅第

當克誠克敬勿怠勿肆加勉吏治以迓

天庥則晉民蒙福正未艾也

雍正四年七月初一日總督管理山西巡撫事務

臣伊都立謹

奏為奏明事欽奉

上諭以制錢不能流通

敕下部議嚴禁私鑄并將錘邊沙板禁止不許攙和令

赴官出首半價收買臣於二月二十七日接准部

咨隨即行文各屬查禁取具遵依并出示曉諭及
諭司道府各官實力查察不得視為故套僅以空
文塞責令臣回任見山西省城行用皆係制錢並
無鑄邊沙板攬和各屬亦俱送並無攬和私錢遵
依在案臣查鼓鑄制錢原期泉布流通便民日用
今禁止私錢則私錢無用私錢無用則私鑄自絕
又令將私錢赴官首買使之不得存留於下將來
亦無所用其攬和此誠正本清源之良法也但恐

各屬並不將私錢實力收買徒以並無攬和具報
雖嚴禁於一時終難免復行於異日查定例內私
鑄准於示到一月內赴官首明將私錢貯庫年終
彙報戶部若一月後經紀鋪戶人等仍敢攬用俱
發黑龍江給披甲人為奴立法既嚴則犯法自少
至地方官有無收買私錢臣愚以為亦當示以章
程始不敢視為具文臣復行文各屬再限一月將
所屬私錢盡行收買在官報解司庫如彙報時並

無收買私錢起解者明係奉行不力臣即指名題
叅聽部議處庶各官知所警懼而私錢自可斷絕
矣相應

奏明伏乞

皇上睿鑒施行謹

奏

如此方為盡力奉公具疏題請可也

同日又

奏為奏明養廉銀兩事竊查山西巡撫衙門經前撫

臣諾岷

奏明蒙

皇上每年賞給養廉銀三萬一千七百兩

臣蒙

皇恩簡任自雍正三年二月到任至今年二月止計足

一年據布政司陸續解銀三萬一千七百兩

臣一

年內除衙門一切日用等項動用外尚餘銀二萬

兩

臣

叨任封疆仰藉

皇上洪恩一年用度甚是從容所有存銀二萬兩

臣謹

具

奏恭

進伏乞

皇恩諭令解交何處仰候

聖旨遵行謹

奏

此係奏明每年養廉所需分內應得之項何庸奏進殊

屬無謂或暫存公處以濟地方事務則可如果用度有餘積久數多再行請旨酌量亦不為晚

雍正四年七月十九日總督管理山西巡撫事務

臣伊都立謹

奏為恭報雨澤事竊臣回任後聞得山西地方太原

汾州潞安平定忻代澤遼沁等各府州所屬秋苗俱未缺雨其平陽府以及蒲州解州絳州等處所屬自二麥收割之後六月半以來未曾得雨已種

秋苗者固需雨澤尚有收割麥田未得補種秋禾
待雨尤殷臣在省城虔誠祈禱一面行查各屬俟
得有雨澤飭令飛報去後茲據平陽府及蒲解等
處州縣具報於七月初八初九十一十三等日陸
續得有透雨未種者俱已趕種晚穀蕎麥雖播種
稍遲但彼處地方和暖猶未為晚再查大同府屬
大同陽高二縣自六月後雨澤尚欠霑足今於十
三日亦得有透雨省城於是日亦大雨如注從此

秋成可必

臣

謹將各屬得雨緣由繕摺奏

聞謹

奏

朕諭果不謬否前摺戒爾高興肆志正為此也雖據奏稱秋成可必收穫未免稍歉矣汝等封疆大吏一言一動甚有關係莫作等閒看其敬凜毋忽

同日又

奏為恭錄

訓旨進呈

御覽事欽惟我

皇上德並唐虞

道宗洙泗惟精惟一彌六合而胥在并包盡性盡人

統萬方而同歸化育

秉乾剛而立極咸欽惕厲憂勤

闡經義以垂型悉是典謨訓誥

臣

猥以菲材荷蒙

聖恩簡畀封疆履任以來自愧措施之未當每懷報稱

而無由茲奉

命進京親承

聖訓諄諄開導至再至三不啻家人父子

臣從此遵循

有自茅塞頓開俾得勉竭駘力圖報效皆我

皇上逾格栽培曲為造就之

洪恩也

臣謹遵

旨恭錄

聖訓謹呈

御覽伏乞

睿鑒謹

奏

朕面訓之旨記載甚屬詳明若非傾耳竦聽專心領受不能如是也深為可嘉覽畢即命鈔發直省各督撫提鎮閱視矣

同日又

奏為

聖恩格外寬容微

臣

罪難自遣事竊

臣

齋摺家人回晉

接到順承郡王錫保等於雍正四年六月十六日

面奉

諭旨前者諭令山西總督伊都立密訪僧人洪寬今據奏稱遍訪五臺山各寺院中目今無有此人等語但向來曾有此人與否並未聲明五臺係多人來往聚集之所緝訪其人自宜嚴密確實若五臺果係現無其人亦必細訪明確切實奏覆豈可以形狀倨傲蹤

跡可疑之明學集賢二人依違具奏徒使彼地大衆驚擾甚屬不合糊塗之極爾等可即飭行欽此合即

飭知原摺并發

臣聞

命之下恐懼戰慄無地自容茲復據差去之人遍行密訪五臺山各寺院內實無僧人洪寬向來亦無此人理合據實覆

奏至

臣

先於五月十四日順承郡王錫保等傳

旨令

臣

密訪洪寬

臣

因六月係五臺山開廟之期隨密

差千總相克寧前往進香暗行查訪亦不告知由
來並再三諄囑不使稍露形跡即諭令五臺縣赴
山查看二麥收成分數亦係縣令每年常事適逢
其時乘此體察亦不諭知此人來歷此皆泯然無
迹之事實未嘗驚擾大衆但臣以方外僧人每多
更易姓名假捏年歲即據五臺縣所稟以集賢明
學二僧形狀倨傲適住文殊院東廂房心竊生疑
冒昧具

奏實屬糊塗

臣

思奏對

君父一切俱宜切實何得以影響疑似之說入

告雖蒙

皇恩不加罪譴逾格優容

臣

返躬自問實深愧悔理合

叩謝

天恩伏乞

聖慈鑒宥謹

奏

似此小心過甚反招大膽之咎百凡處但務據實乃適
中之道亦係對證之良藥也傳云心有所恐懼則不得
其正自視一身利害太重即屬私念何能得事理之宜
戒之勉之

雍正四年七月二十九日總督管理山西巡撫事

務臣伊都立謹

奏為請

旨事竊臣自雍正三年二月內奉

命撫晉到任以後聞得山西各州縣地方丁銀一項並不陞富擦貧向例俱按本戶本甲本里頂補如丁缺則輾轉相尋層層疊併以致一丁包納數丁一戶均賠數戶苦樂不均深為未便隨令州縣議將丁銀歸併地畝使丁地畫一貧富區分誠一勞永逸之良法也嗣據各州縣議以晉省居民置產者少逐末者多且地土瘠薄不同於他省若一經歸併恐地價愈賤并恐無人承買輸賦愈難事在難

行臣因為窮民起見復再三開示令其因地制宜
委婉設法今據壽陽平遙介休徐溝孝義等州縣
已將丁銀歸入於地其餘州縣俱趁此編審之年
現在傳同士庶公議尚未定局臣惟恐事難一例
不敢冒昧具

題然思晉省地土瘠薄居民素多貿易不置田產原
不同於他省亦屬實情但日復一日年復一年歸
併日多丁銀日重實為窮民之累雖現在議歸地

畝而其中或有萬不能行之地方惟有均丁之一
法如五年編審清查人丁將闔州縣成丁者盡行
查出除紳衿優免本身外其餘俱照現在丁銀額
數按丁均攤如前以一丁所納今則以數丁分交
如前以一戶獨認今則以各戶均完賦不加重丁
實加輕再嗣後每遇五年編審照數清查均派丁
日多而銀日少似於

國賦民生均有裨益已經行司轉行各屬查議俟議

覆到日臣意欲具

題定例是否可行伏乞

皇上指示以便遵行謹

奏

覽所奏係為一已得失起見似此難行之事從何指示
汝前在勤政殿奏朕之本心併朕訓誨之旨豈皆遺忘
耶諄諄命汝秉公據理勿計利害得失但還朕一是字
今遇疑難莫決乃欲委卸於朕以圖免過朕既未曾宦

遊晉省閱歷風土奚能決汝之疑觀此則愚迷之病復作矣朕用人行政從不預定成見於中惟隨人隨事度其是非而措置之耳此外無他技能

雍正四年九月初六日總督管理山西巡撫事務

臣伊都立謹

奏為奏明事竊查晉省各屬秋禾豐稔現今俱陸續

刈割俟收穫告畢

臣

另行繕摺具

奏外

臣蒙

皇恩職任封疆又仰承

聖訓令

臣

留心積貯當此豐年正宜急為圖維查山西

原貯米穀及勸捐社倉糧米不下百萬餘石又經

臣議覆前任學

臣

劉於義條奏每年動銀四萬兩

在通省各屬採買穀石以備積貯現在時屆秋成

催令州縣及時採買并諭令各屬加意勸捐社倉

務使通省積蓄實在充足有備無患斷不敢捏詞

粉飾有負我

皇上念切民依之至意再臣去年自京回晉見平定州

一帶地方糧食俱往直隸正定井陘獲鹿等府縣
運送販賣又至直隸定州一帶訪問彼處所糶糧

食俱從山西廣昌縣交界之紫荆關販去甚為得

濟臣思平定州廣昌縣為晉省東路要區且與直

隸接壤宜趁此豐收穀賤在於彼處多積米糧以

備需用今在平定州再添貯穀一萬石廣昌縣添

貯穀一萬石此二處與晉省之樂平盂縣壽陽徐

溝祁縣廣靈崞縣繁峙五臺定襄等州縣并與直隸之井陘獲鹿正定易州阜城唐縣各處俱屬相近如遇緩急或減價平糶或陸續輓運於兩省俱屬有益又平陽府至蒲州左右一帶州縣地方遼濶向來從陝西販買糧石至彼處糶賣者甚多今歲陝米到來甚少米價稍長亦不可不預為籌畫

料理

今查蒲州由水路可到絳州太平等州縣與平陽府附近且與陝省潼關貼界亦再添倉糧二萬石

詳細允妥甚屬可嘉積貯實為地方要務力行勿

急

庶可通融接濟再查晉省應試舉子沐浴

聖化文風日盛今歲入場者較往年多增三千餘名貢院號房不足臣雖令搭蓋棚廠編號坐下不致貽誤但此係一時權宜之計必須添蓋方可永遠查貢院兩傍尚有隙地可蓋號房三千餘間其應需工料并採買穀石建蓋倉廩銀兩俱在盈餘公費之內動用俟用過若干另行奏

聞糧石造冊報部相應先行

奏明伏乞

皇上睿鑒施行謹

奏

所奏俱悉

同日又

奏為恭謝

天恩事竊_臣恭錄

聖訓繕摺

奏繳欽奉

硃批朕面訓之旨記載甚屬詳明若非傾耳竦聽專心
領受不能如是也深為可嘉覽畢即命鈔發直省各
督撫提鎮閱視矣欽此隨恭設香案望

闕叩頭謝

恩訖伏念

臣

本庸材職任總督毫無報稱入京

陛見仰蒙

聖主諄諄訓誨

臣

朝夕誦記惟恐隕越有負

皇恩乃荷

恩綸逾格鼓舞曲為栽培雖父師之循循善誘亦無此
親切臣之榮幸實何如之惟有兢兢業業務必事
事見諸實行以期仰報

高厚之恩於萬一耳為此繕摺叩謝

天恩臣謹

奏

仰報固朕所期若迎合揣度混亂更張似此仰報不勞

汝耗費心力也如陞見回任後加增火耗是何仰報之道豈具有人心之人所忍為者庸愚無識至於斯極有是理乎

雍正四年十月初四日總督管理山西巡撫事務

臣伊都立謹

奏為奏明雍正三年耗羨銀兩事查晉省耗羨銀兩

經前撫臣諾岷

奏明提解司庫以為通省各官養廉并公費等項外

存庫銀二十萬兩每年奏銷正項錢糧時將收用
過耗羨數目繕摺奏

聞茲據布政使高成齡將雍正三年分耗羨銀兩收除
實在并已未完數目造報前來

臣

查雍正三年分

共應徵加耗錢糧二百八十六萬五千九百七十
七兩零共該耗羨銀四十九萬五千七十七兩零
已徵過耗羨銀四十六萬七千七百九兩零共開
除各官養廉公費等項銀二十九萬四千六百三

十一兩零共存庫銀一十七萬三千七十七兩零
未徵完銀二萬七千三百六十七兩零俟徵完之
日內撥存庫銀二萬六千九百二十二兩零以足
二十萬兩之數尚餘剩銀四百四十五兩零臣親
赴司庫逐一盤查並無虧短謹繕黃冊恭呈

御覽再徵足雍正三年銀二十萬兩合雍正元年二年
存庫銀共六十萬兩合併

奏明伏乞

皇上睿鑒施行謹

奏

所奏全然不解朕竟無旨可降此事須覲面向爾問明
方可定大奇大奇前奏請於封印後來京陛見朕原命
偕高成齡同來面商豈料爾如此庸材殊屬可笑可嘆
若非

天奪之魄何昏憤乃至是耶今併高成齡亦不必諭知矣

同日又

奏為恭謝

天恩并自陳罪狀事雍正四年九月二十三日准戶部
咨內開雍正四年九月十一日內閣交出

諭旨諭山西總督伊都立前爾聞陞雲貴總督之命將
欲離任之時將山西闔屬耗羨飭令裁減今聞得爾
回任山西以公用不敷又將裁減之數復行徵收大
凡地方舊例之所有欲行裁減必合前後計算而後
舉行若既已裁減而奉行不久又復徵取則朝三暮

四有同兒戲甚屬不合如此則何以取信地方官民
無知庸愚之極諭旨到日可速照原裁減之數仍行
裁減若少陽奉陰違朕有所聞必治以重罪特諭欽
此欽遵跪讀之下無任惶恐驚懼負罪深重不能
自逭伏念臣蒙

皇上天高地厚之恩三年之內不次超擢陞至侍郎未
及一年復蒙

簡命陞授總督

隆恩異數至極無加為臣子者正宜殫心竭蹶為

國為民思圖報效乃不思前後不慮始終逞一己之
私邀一時之譽於離任之時減耗取悅已屬不合
及回任之後心無定見意慮顛倒復將耗羨照舊
徵收至今回思實屬無知已極庸愚已極今蒙

皇上父母之恩日月之明

特降諭旨令照原裁減之數仍行裁減伏讀

綸音寬洪廣大將臣短處曲為寬宥留臣顏面仰見

聖慈包容

皇恩浩蕩靡所不周

臣

惟有痛恨已往責效將來事事

實心圖始圖終竭誠盡力以贖前愆遵將

上諭恭刻頒發各屬曉諭士民外查

臣

舊年所減火耗

以雍正四年為始從前原不及加一三者照舊徵收向來徵耗加二者一槩減至加一三今除雍正四年錢糧已徵過司庫銀八十五萬八千餘兩收過耗銀一十六萬三千餘兩尚有已徵在櫃銀兩

仍恐各州縣借端侵蝕俱已委員拆封照數起解
其餘未徵錢糧俱以文到之日為始照原減之數
徵收嗣後每年俱照裁減徵交并飭各州縣實力
奉行如有於裁減之外私加多徵者即據實題叅
務使共沐

皇恩均霑實惠斷不敢陽奉陰違自蹈欺罔之罪臣謹
繕摺恭謝

天恩并自陳罪狀伏乞

皇上睿鑒施行謹

奏

事出情理之外實為意想所不及朕並未寬宥何以謝
為頃雖降旨責詢尚恐前聞未確今據奏云云果有其
事矣奇哉

雍正四年十一月初二日總督管理山西巡撫事

務臣伊都立謹

奏為恭報瑞雪事竊查晉省地方仰蒙

皇上福庇連年以來二麥秋禾俱獲豐收實有家給人

足之慶含哺鼓腹之風

臣

以菲材身任地方際此

時和年豐深為欣幸今據平陽府南州縣并蒲州

汾州府潞安府澤州隰州等處俱報於十月二十

三日得有瑞雪大同府地方亦報十月初七日得

雪

臣

正在繕摺

奏報間今於十一月初一日太原省城亦經得雪

臣

親至郊外查看據農民云多得冬雪之年次年麥

秋必獲豐收俱歡忻鼓舞共歌

聖澤理合恭摺奏

聞謹

奏

得雪厚薄淺深未經分析殊屬含糊不明

平魯營叅將徐元勳於引見時觀其人甚屬平庸且聞
伊聲名不好爾及該鎮從前何以不行叅奏

硃批諭旨卷五

欽定四庫全書

硃批諭旨卷六

硃批黃叔琬奏摺

雍正元年八月初五日福建布政使

臣黃叔琬謹

奏為恭謝

天恩事竊臣一介庸愚至微極陋荷蒙

皇上逾格擢用

陛辭之日跪聆

聖訓指示周詳又蒙

恩許具摺奏復荷

欽賜

聖祖仁皇帝御用物件

異數殊恩逾分已極小

臣感愧情深惟有並勵清操盡

心職守以仰答

皇上天恩即以上報

聖祖天恩於萬一耳

臣於六月二十二日到任隨望

闕叩首謝

恩訖理合繕摺奏

聞謹

奏

汝等兩司之職例不徑奏今許汝密摺奏達切毋藉此
挾制上司而失屬官之體若遇督撫有不合宜處只可
密行奏聞不可向一人聲揚一省之中豈有兩撫臣之
理履雖鮮不加於枕權不盡一上輕下重則章程紊矣

汝凡事當與督撫開心見誠據汝所見一一告知以憑處斷倘上司有欺隱以及徇私不法之弊必實有確據方是汝應行奏達之事其尋常地方諸務與督撫共見同行之舉陳奏之任在督撫而不在汝也即密奏亦不宜頻數恐上司生疑忌之心於汝反為無益汝但勉力秉公實心効力朕自能洞照也特諭

同日又

奏為報明庫項銀兩事竊

臣蒙

皇上天恩補授福建布政使所有一切存庫錢糧前因盤查未清不敢草率具

奏今徹底清查共應存銀七十九萬七千餘兩實在存庫銀只有四十餘萬兩其三十九萬六千餘兩一係從前各標營借支俸餉及預支船工等銀二

十五萬九千餘兩

臣

現於按月領餉時扣除今已

歸補一十九萬餘兩

此項

即當察其原案詳究其

由再奏以聞倘有可疑處據實密奏慎毋代為隱諱且那用十萬九千餘兩督撫稱係從前

若將此諭向督撫處宣露以作威福乃斷然不可者也

奏明以歷年俸工抵補之項臣現在行文各州縣完

解今已解庫一萬餘兩一係前布政使沙木哈自

朕前料其所虧尚不止於此已虧空銀二萬四千餘兩臣遵

旨著落伊子石泰賠補除陸續追繳外尚未完銀九千六百餘兩現在嚴追俟完日另摺奏

聞總之福建藩庫向來借支動用相沿已久今自臣抵

任後除兵餉船工緊要錢糧應支之項隨支隨扣

外其餘凡有借支臣不敢因此方是但須言行相符仍從前陋弊惟慎重

錢糧以期無負

聖主委任至意至各州縣虧空現在督撫與臣酌議封

櫃補苴以清帑項如有私派重耗苦累小民者臣

仍不時查訪據實揭叅再閩省地方事宜或有應

奏者容臣次第訪確始敢奏

聞合併聲明臣謹

奏

次第訪奏可也但須慎重倘不密致令督撫處有一毫

風聲達於朕耳則係爾自干罪譴毋怪朕之不爾寬恕也

雍正元年八月二十一日福建布政使

臣

黃叔琬

謹

奏竊閩省司庫錢糧數目

臣

業經繕摺恭呈

御覽自

臣

摺

奏之後續據各營將建曠銀兩解送司庫前後合算共應存庫銀八十萬九千餘兩至沙木哈虧空一

項已於八月二十日盡行完補訖兵餉船工一項
除陸續扣回外尚欠銀二萬餘兩因公挪用一項
除催解完補外尚欠銀七萬餘兩臣仍按月將應
扣回者扣回應催補者催補俟有成數另行奏

聞臣因交盤限迫各項尚未完結隨詳明督撫蒙批此
係繕摺

奏明奉有上緊料理之

諭旨似未便於送部結內再行聲明致干指駁仰即照

例速具冊結詳送立等核

題等語

臣

再四思維督撫既稱係

奏明奉

旨之事未便復行揭出惟在督撫與

臣

謹遵

聖訓實心料理則錢糧自可完結是以照例出具冊結
至按月扣餉不至苦兵催解俸工不至累民之處

臣自當仰體

皇上恤兵愛民至意時刻在心不至上煩

聖慮合併聲明謹

奏

此事該督撫業經奏明懇恩從緩完結今爾據實密奏更屬可嘉凡事惟以無欺無隱為務勉之但於上司處切勿稍失體統事無兩大朕未有於一省之中用兩三督撫之理也特諭

雍正元年十二月二十六日福建布政使

臣

黃叔

琬謹

奏為遵

旨再行奏

聞事臣前摺奏因公挪用銀十萬九千兩經督撫二臣奏明以俸工賠補一項奉有

御批遵即檢查原案復加密訪實係修理戰船津貼運費添補不敷銅價整備水師軍器火藥供應杭兵來往夫船修理各處河灘資助微員回籍及歷年賞給巡緝山賊官兵飯食併省中應辦各項公事

夫船腳價等項總之閩省公用皆取給於俸工彼
時因俸工尚未解到遂將正項挪用以致有十萬
九千之數自臣到任以訖封印已經歸補五萬餘
兩未歸補者尚有五萬餘兩現在陸續扣補至沙
木哈自己虧空銀兩誠如

聖諭所料不止於此但臣未到任以前閒撫臣已嚴催
其彌補臣到任後逐一清查止虧空二萬四千餘
兩理合具摺陳明謹

奏

所奏知道了百凡切勿徒為他人任過總以無欺無蔽
為勉

雍正二年九月十二日福建布政使臣黃叔琬謹
奏為恭繳

御批事臣齋摺家人回閩所有臣於雍正元年十二月
二十六日具奏遵

旨再行奏

聞事一摺復蒙

皇上批示

臣

恭設香案跪捧展誦仰見

天語諄切訓誨備至體恤小臣有加無已

臣

自顧庸才

邀此

皇恩感激悚惕惟有恪遵

聖訓實心勉力安分盡職不敢少有欺飾以期無負

聖主委曲成全至意敬將

硃批一件恭繳謹

奏

慎莫效法乃兄之為人保全首領要緊

同日又

奏為報明庫項銀兩事

臣蒙

皇上天恩授以閩藩重寄自雍正元年六月到任清查

司庫挪用銀十萬九千餘兩督撫二臣

奏明以歷年俸工抵補奉

旨先行在案今臣於雍正二年八月將前項歸補已完

實貯在庫並不敢稍有擅飾理合

奏明再司庫正項錢糧合地丁鹽課并雜項共實存
在庫一百七萬餘兩除應行支放者照例支放外
其餘凡有借支臣不敢絲毫擅動以致虧缺臣蒙
皇上特恩超用無可仰報

天恩惟有慎重司庫錢糧以期無負

聖主委任至意謹

奏

知道了觀汝之二兄如此居心行事即汝此奏朕亦難信矣

雍正三年三月初四日調補廣西布政使

臣黃叔

琬謹

奏為恭請

聖訓事竊

臣

一介庸材備員閩省屢蒙

皇上天恩訓誨周詳勉勵備至

臣

日夕凜遵猶恐不逮

今復蒙

聖恩調補廣西布政使

臣

於三月初八日起程前赴新

任伏念粵西諸事皆所未諳我

皇上明睿所照無遠不屆仰懇

天恩俯鑒

臣

愚詳加

教誨指示俾

臣

知所遵循庶幾勉竭駑駘以仰報

聖恩於萬一耳謹

奏

爾誠能秉公除私矢志効忠焉往而不可否則爾之二

兄便是前車覆轍朕從來用法不事株連即父子亦各論其是非爾若以手足之誼為重君臣大義為輕斯又在爾自為之也至於爾之見用於朕原因從關外差峻回京朕特加賞鑒而拔擢之實無一人薦舉或於其間有將朕之特恩設詞誑爾以為係彼力量吹噓所致世間此等無恥負國之人容或有之朕則不得而知爾其自勉朕不蓄成見於中也

同日又

奏為恭繳

御批事

臣

齋摺家人回閩所有雍正二年九月十三日

具奏恭繳

御批一摺報明庫項銀兩一摺並蒙

皇上批示

臣

恭設香案跪捧展讀

天語煌煌訓勉備至

聖恩高厚曲賜矜全

臣

兢惕悚惶感激無地惟有恪遵

聖訓竭力供職循分守法居心行事不敢稍有瞻徇以

期無負

聖主格外優容至意敬將

御批二件恭繳謹

奏

但務實行總不在言語之間也

雍正三年八月十三日廣西布政使臣黃叔琬謹

奏為報明庫項銀兩事竊臣蒙

皇上天恩調補廣西布政使臣於雍正三年五月二十

七日到任所有司庫銀兩臣按冊細加查核除已

經支放外應存司庫銀共一百二十七萬餘兩內

督臣孔毓珣先經

題明借發鹽價銀六萬兩尚未補還外實應存司庫

銀一百二十一萬餘兩臣即逐一驗兌俱係實貯

在庫理合具摺

奏明伏乞

皇上睿鑒為此謹

奏

所奏已悉又奏折色之事一摺候朕面諭新撫鄂爾泰酌定施行

同日又

奏為恭繳

御批事臣進摺家人回粵所有臣本年三月初四日具

奏恭請

聖訓一摺恭繳

御批一摺均蒙

皇上批示

臣

恭設香案望

闕叩首敬謹捧讀仰見我

皇上大公至正無微不至訓誨勉勵諄切周詳

臣悚惶

兢惕感激涕零惟凜遵

聖諭秉公除私矢志效忠以仰報

高厚於萬一斷不敢重手足之私情違事

君之大義以自取罪戾至

臣

以一介庸才恭逢

皇上御極之初奉差復

命蒙

皇上召對逾格擢用

主知特達

臣

夙夜銘心刻圖報稱如有無恥負

國之人設詞誑

臣

若為其所愚是

臣

同其不肖矣

臣

即當密行

奏明斷不敢為之隱諱

臣

愚賤下情本不敢上瀆

天聽蒙

皇上開天地父母之心曲賜矜全諄諄指示臣不揣冒昧謹此奏

聞敬將

御批二摺恭繳為此謹

奏

天下臣民咸在朕胞與之中無一人朕不欲矜全之然肯保全與否又在汝等自為之如汝之二兄朕何法以矜全之耶於凡百處勉之慎之朕之涇渭斷不致混淆

也



硃批諭旨卷六